

bere, vt in frigidis affectibus aromatici ros. diagalanga, diamoschum. In calidis, diatriafandalon, diarhodon Abbatis. Denique in prostratione virium summa, iulepus confortans gratissimus & utilissimus sic à nobis paratur:

℞. Iulepi ros. ℥j. ℞.
aq. cinnamom. ℥ ℞. misce.

Si acidiusculum expetat, syrup. de acetositate citri ℥j. addi poterit, ita tamen, vt aq. cinnamomi dosis augeatur ad ℥j. quo iulepo quotiescunque licebit vii.

Tandem præcipuus iuleporum vsus & communis est ad corrigendam intemperiem quamcunque, sitim sedendam, bilis ardorem extinguendum, humoris malignitatem edomandam. Ad humorum enim præparationem cum paucioribus constent, minus efficaces sunt syrupis & apozematibus, quibus tamen multo sunt iucundiores & suauiores.

De apozematis siue decoctis.

C A P. XXI.

Aπόζημα quasi feruefactum, vel ἀφέψιμα, à Dioscoride & Galen. appellatum, Latinis decoctum dicitur: quibusdam syrupus magistralis, cum à syrupo sola coctione differat:

Est medicamentum constans ex pluribus simplicibus in aliquo liquore ad media vel tertia partis absorptionem

G 4

coctis